

Na osnovu člana 8. stav 3. alineja 6. i člana 35. stav 3. Zakona o principima lokalne samouprave („Službene novine F BiH“, broj 49/06.), odredaba člana 10. i 68. Statuta Općine Centar Sarajevo („Službene novine Kantona Sarajevo“ broj 23/04), odredaba člana 87. Poslovnika Općinskog vijeća Centar Sarajevo („Službene novine Kantona Sarajevo“ broj 23/04 i 11/13) Općinsko vijeće, Općine Centar Sarajevo je, na 31. redovnoj sjednici održanoj dana 21.12.2018. godine, donijelo

**ODLUKU
O IZMJENAMA I DOPUNAMA ODLUKE O RASPODJELI DIJELA NOVČANIH
SREDSTAVA ZA PODRŠKU STAMBENOM ZBRINJAVANJU MLADIH KROZ
REFUNDIRANJE TROŠKOVA PLAĆENOG POREZA NA PROMET NEKRETNINA**

Član 1.

Ovom Odlukom mijenja se naziv Odluke o raspodjeli dijela novčanih sredstava za podršku stambenom zbrinjavanju mladih kroz refundiranje troškova plaćenog poreza na promet nekretnina („Službene novine Kantona Sarajevo“, broj 35/17 i 6/18) tako da novi naziv Odluke glasi: „Odluka o raspodjeli dijela novčanih sredstava za podršku stambenom zbrinjavanju mladih kroz refundiranje troškova plaćenog poreza na promet nekretnina ili plaćenog poreza na dodatnu vrijednost (PDV)“.

Član 2.

U tekstu Odluke o raspodjeli dijela novčanih sredstava za podršku stambenom zbrinjavanju mladih kroz refundiranje troškova plaćenog poreza na promet nekretnina („Službene novine Kantona Sarajevo“, broj 35/17 i 6/18) riječi: „Služba za stambene poslove Općine Centar Sarajevo“ u različitim padežima zamjenjuje se riječima: „Služba za registar, upravljanje imovinom i katastar nekretnina.“

Član 3.

U članu 1. Odluke iza riječi: „ nekretnina“ dodaju se riječi: „ ili plaćenog poreza na dodatnu vrijednost (u daljem tekstu: PDV) za kupovinu novoizgrađenog stana“.

Član 4.

U članu 2. stavu (1) Odluke iza riječi: „nekretnina“ dodaju se riječi: „ ili plaćenog PDV-a“ ,a riječi „do navršenih 35 godina“ mijenjaju se riječima „do navršenih 38 godina“.

U istom članu stav (2) briše se.

Član 5.

U članu 3. stavu (1) alineje 1. i 2. Odluke mijenja se i glasi:

- „da je punoljetni državljanin Bosne i Hercegovine sa prijavljenim prebivalištem na teritoriju Općine Centar Sarajevo;
- da na dan podnošenja zahtjeva ima do 38 godina života;“

Član 6.

Član 5. mijenja i glasi:

„Član 5.

Na osnovu pojedinačno podnesenih zahtjeva, a uz ispunjavanje kriterija propisanih ovom Odlukom mogu se odobriti novčana sredstva u iznosu do 5.000,00 KM (pethiljadaKM).

Ukoliko je iznos plaćenog poreza na promet nekretnina ili plaćenog PDV-a manji od 5.000,00KM, (pethiljadaKM) po podnesenom zahtjevu uz ispunjavanje kriterija, odobrit će se iznos koji je naveden u rješenju o razrezu poreza, izdato od strane nadležne porezne uprave, odnosno koji je naveden u računu o plaćenom PDV-u."

Član 7.

U članu 7. stavu (1) tačka h) mijenja se i glasi:

„h) Rješenje nadležne poreske uprave o razrezu poreza, uplatnice i zemljišnoknjižni izvadak kao dokaz da je podnositelj zahtjeva vlasnik/suvlasnik predmetnog stana- ukoliko je podnosilac zahtjeva lice koje traži refundiranje troškova plaćenog poreza na promet nekretninama".

Iza tačka (h) dodaje se nova tačka (i) koja glasi:

„ i) Račun o plaćenom PDV-u kao dokaz da je podnosilac zahtjeva za kupovinu stana platio puni iznos PDV-a i zemljišnoknjižni izvadak kao dokaz da je podnosilac zahtjeva vlasnik/suvlasnik predmetnog stana- ukoliko je podnosilac zahtjeva lice koje traži refundiranje troškova plaćenog PDV-a".

Dosadašnja tačka i) postaje tačka j).

Član 8.

U članu 8. stavu (3) iza riječi: „ nekretnina" dodaju se riječi: „ ili plaćenog PDV-a".

Član 9.

U članu 10. stavu (1) iza riječi: „ nekretnina" dodaju se riječi: „ ili plaćenog PDV-a"

Član 10.

Ova Odluka stupa na snagu narednog dana od dana objavljivanja na Oglasnoj ploči Općine Centar, a naknadno će se objaviti u „Službenim novinama Kantona Sarajevo".

Broj: 01-14-4948/18

Sarajevo, 21.12.2018.godine

Ova odluka je objavljena na oglasnoj ploči
Općine Centar dana 28.12.2018. godine.

